

REGVLAE 5 ✕  
ORDINATIONES  
ET CONSTITVTIONES  
CANCELLARIAE APOST.  
Sanctissimi D.N.D.INNOCENTII  
diuina prouidentia Papæ IX.



---

ROMAE

Apud Paulum Bladum Impressorem Came-  
ralem. M. D. XCI.

REGULAE

ORDINATIONES

ET CONSTITUTIONES

CANCELLARII APOSTOLICI

SEPTIMO INNOCENTII

DECRETIS



ROMAE

Apud Stephanum Bladum in via sacra

MDCCLXXII

REGVLAE, ORDINATIONES,  
& Constitutiones Cancellariæ Apo-  
stolicæ Sãctiss.D.N.D.Innocentij  
diuina prouidẽtia Papæ I X.



ANCTISSIMVS in Christo  
Pater, & D.N.D. Innocen-  
tius diuina prouidentia Pa-  
pa IX. suorum prædecessorũ  
vestigijs inherẽdo normam,  
& ordinem rebus gerendis  
dare volens in crastinum assumptionis snæ ad  
summi Apostolatus apicem, videlicet die tri-  
gesima mēsis Oĩctobris Anni ab Incarnatione  
Domini millesimi quingentesimi nonagesimi  
primi, Reseruaciones, Constitutiones, & Re-  
gulas infra scriptas fecit, quas etiã ex tunc suo  
tempore duraturas obseruari voluit, & quas  
Nos Alexander Sancti Laurentij in Damasco  
Diaconus Card. Montaltus S. R. E. Vicecãcel-  
larius, die Iouis vij. mensis Nouemb. dicti anni  
in Cancellaria Apostolica publicari fecimus.  
Reseruaciones generales, & speciales.

I In primis fecit easdem reseruaciones quę  
Cõstitutione sel. rec. Benedicti Papæ XII. quę

incipit, Ad regimen continentur, & illas inno-  
uauit, ac locum habere voluit, etiam si Officia-  
les in eadem constitutione expressi Apostoli-  
cæ Sedis Officiales ante obitum eorū esse de-  
fierint, quoad beneficia, quæ tempore, quo of-  
ficiales erant, obtinebant. Declarans nihilo-  
minus beneficia, quæ dictæ Sedis officiales, quī  
ratione officiorum suorum huiusmodi eiusdē  
Sedis notarij erant, etiam dimissis ipsis officiis,  
& quodocunque assequuti fuerint sub huius-  
modi reservationibus comprehendī. Ac reser-  
uauit beneficia, quæ per constitutionem Ioan-  
nis XXII. quæ incipit, Execrabilis vacant, vel  
vacare contigerit. Et ea etiam beneficia om-  
nia, de quibus ordinarij, & alij collatores con-  
tra Concilij Tridentini decreta disposuerunt,  
& disponent in futurum.

2 Item reseruauit generaliter omnes Eccle-  
sias Patriarchales, Primatiales, Archiepisco-  
pales, Episcopales, necnon omnia Monasteria  
virorum valorem annum ducentorum flore-  
norum auri cōmuni extimatione exceden. Et  
voluit, quod excessus huiusmodi in literis ex-  
primatur; Ac etiam reseruauit dignitates, &  
beneficia omnia ad collationem, præsentatio-  
nem, electionem, & quamecumque aliam dispo-  
sitionem Patriarcharum, Primatum, Archie-  
pisco-

piscoporum, & Episcoporum, necnō Abbatū,  
& aliorum quorumcunq; collatorum, & colla-  
tricum secularium, & regularium quomodoli-  
bet, nō tamen ad collationē cum alio, vel alijs,  
aut etiā ad alterius præsentationem, vel ele-  
ctionem pertinētia, quæ post illorum obitum,  
aut Ecclesiarum, seu Monasteriorū, vel aliarū  
dignitatum suarū dimissionem, seu amissionē,  
vel priuationem, vsque ad promotionem suc-  
cessorum ad easdē Ecclesias, aut Monasteria,  
vel dignitates Apostolica auctoritate facien-  
dam, & adeptam ab eisdem successoribus paci-  
ficam illorum possessionem quomodocunque  
vacant, & vacabunt in futurum.

Reservatio dignitatum, necnō suorum,  
& S. R. E. Cardinalium familia-  
rium beneficiorum.

3. Item reservavit generaliter dispositioni sue  
omnes dignitates maiores, post Pontificales  
in Cathedralibus etiā Metropolitanis, & Pa-  
triarchalibus, necnō valorē decem florenorū  
auri cōmuni estimatione exceden. principales  
in Collegiatis Ecclesijs. Reservavit etiā Prio-  
ratus, Præposituras Præpositatus, ac alias digni-  
tates conventuales, & Præceptorias generales

pore Cardinalium familiares, continui cōmen-  
sales obtinent, & in posterum obtinebūt eorū  
familiaritate durante, ac in quibus, seu ad quæ  
ius eis competit, aut competierit, etiā si ab ip-  
sa familiaritate per obitū Cardinalium eorū-

Reservatio beneficiorum collectorum,  
& subcollectorum.

4 Item referuauit generaliter omnia benefi-  
cia ecclesiastica quorumcunq; collectorum, &  
vnicorum in quacunque ciuitate, vel diœcesi,  
qui suo tempore officia exercuerint subcolle-  
ctorum fructuū, & prouētuum Cameraꝝ Apo-  
stolicæ

stolicę debitorum; illa videlicet beneficia dū-  
taxat, quę durante eorum officio obtinebant,  
& in quibus, seu ad quę ius tūc eis cōpetebat.

**Reservatio beneficiorum Curialium,  
dum Curia transfertur.**

5 Item reservavit omnia, & singula beneficia  
ecclesiastica quorumcumque curialium, quos  
dum Curia Romana de loco ad locum trans-  
fertur, eam sequendo, decedere contigerit in  
quovis loco quantumcumque etiam a dicta  
Curia remoto.

**Reservatio beneficiorum Cubiculario-  
rum, & Cursorum.**

6 Item reservavit generaliter idem D.N. Pa-  
pa dispositioni suę omnia beneficia cubicula-  
riorum, & cursorum suorum.

**Reservatio beneficiorū Ecclesiarū S. Io.  
Lateranen. & S. Petri, ac B. Marię  
Maioris de Vrbe, & beneficiorū,  
titulorū Card. a Curia absentiū.**

7 Item reservavit dispositioni suę generaliter



quecūq. canonicatus, & præbēdas, ac dignitates personatus, & officia in S. Ioannis Lateranen. & Principis Apostolorum, ac beate Mariæ Maioris de Vrbe ecclesijs; necnon ad collationem, prouisionem, & presentationem, seu quamuis aliam dispositionem S. R. E. Cardinalium a Rom. cur. absentium, ratione suorum Episcopatum, Cardinalatus, ac ipsorum Cardinalium titulorum, & Diaconiarum spectantia quamdiu absentia sua durauerit, canonicatus, & præbēdas, dignitates, personatus, administrationes, & officia, cæteraq. beneficia ecclesiastica, cum cura, vel sine cura vacantia, & in antea vacatura tam in eadem Vrbe, quam in ecclesijs, ciuitatibus, & diocesisbus dictorū Episcopatuū cōsistentia, ac decreuit irritū &c.

**Reservatio Mensium Apostolicorum, & alternatiua pro Epīs residentibus.**

8 Item cupiens idem D.N. Papa pauperibus clēricis, & aliis bēnemeritis personis providere, omnia beneficia ecclesiastica, cum cura, & sine cura secularia, & quorumuis ordinum regularia, qualitercūq; qualificata, & ubicūq; existentia in singulis Ianuarij, Februarij, Aprilis, Maij, Iulij, Augusti, Octobris, & Nouēbris

mensi-



mensibus, vsque ad suę volūtatis beneplacitū  
extra Romanā curiam, aliās quam per resigna-  
tionem quocūq; modo vacatura ad collatio-  
nem, prouisionem, præsentationem, electionē,  
& quantuis aliam dispositionem quorumcūq;  
collatorum, & collatricum secularium, & quo-  
rumuis ordinū regularium (non tamen S. R. E.  
Cardinalium; aut aliorum subcōcordatis inter  
Sedem Apostolicam, & quoscumq; alios ini-  
tis, & per eos, qui illa acceptare & obseruare  
debuerant, acceptatis, & obseruatis quæ læ-  
dere non intendit, comprehensorum) quomo-  
dolibet pertinentia, dispositioni suę generali-  
ter reseruauit; Volens in supplicationibus, seu  
concessionibus gratiarum, quę de dictis bene-  
ficiis tunc vacātibz etiam Motu proprio fiet  
de mense, in quo vacauerint dispositiue men-  
tionem fieri: alioquin gratias nullas esse. Ac  
consuetudines etiam immemorabiles optandi  
maiores, & pinguiiores prebendas, necnō pri-  
uilegia, & indulta Apostolica circa ea, ac etiā  
disponendi de huiusmodi beneficiis, aut quod  
illa sub huiusmodi reseruationibus nunquam  
comprehēdantur, etiam cum quibusuis dero-  
gatoriarum derogatoriis, & fortioribus, effica-  
cioribus, & insolitis clausulis, necnon irritanti-  
bus, & aliis decretis quibusuis personis, & col-

legiis

legiis cuiuscumq. dignitatis, status, gradus, ordinis, & conditionis existentibus quomodolibet concessa aduersus reservationem huiusmodi minime suffragari. Insuper Sanctitas sua ad gratificandum Patriarchis, Archiepiscopis, & Episcopis intenta ipsis quamdiu apud Ecclesias, aut dioceses suas verè, ac personaliter resederint dumtaxat de omnibus, & quibuscumq. beneficiis ecclesiasticis cum cura secularibus, & regularibus ad liberam ipsorum dumtaxat, non autem aliorum cum eis dispositionem, seu præsentationem, vel electionem, nec etiam cū consilio, vel consensu, seu interuentu capitulorum, vel aliorum, aut aliàs pertinentibus, quæ in antea in mensibus Februarij, Aprilis, Iunij, Augusti, Octobris, & Decembris extra curiã ipsam vacare contigerit ( Dummodo aliàs dispositioni Apostolicæ reservata, vel affecta nõ fuerint ) liberè disponendi facultatem concessit, ac etiam voluit, vt si ipsi in collatione, aut alia dispositione beneficiorum in aliis sex mensibus, videlicet, Ianuarij, Martij, Maij, Iulij, Septembris, & Nouembris vacaturorum ( quæ etiam dispositioni suæ, vt præfertur, reservauit ) seu etiam aliorum dispositioni suæ, & dictæ Sedis aliàs quomodolibet reservatorum, vel affectorum sese intromiserint, aut quomi-

nus prouisiones, & gratiæ Sanctitatis suæ de illis debitum effectum consequantur impedimentum quoquo modo præstiterint vsu, & beneficio prædictæ facultatis eo ipso priuati existant, ac collationes, & alię dispositiones de beneficiis illius prætextu deinceps faciendæ nullius essent roboris, vel momenti. Illi verò, qui gratiam alternatiuæ prædictæ acceptare voluerint acceptationē huiusmodi per patentes literas manu propria subsignatas, suoq. sigillo munitas, & in sua quisq; ciuitate, vel diocesi dat. declarare, & literas ipsas huc ad Datarium Sanctitatis suæ trāsmittere teneantur, quibus ab eo receptis, & recognitis, tunc demum, & non antea uti incipiant gratia supradicta. Decernens. sic in prædictis omnibus per quoscunq. &c. iudicari debere, ac irritū &c.

### De literis in forma rationi congruit expediendis.

Item voluit idem D.N. Papa, quòd concessa per sel. rec. Gregoriū Papam XIIII. prædecessorē suum, & de eius mandato expediantur in forma rationi congruit, sub die coronationis suę, vt moris est, & idem quo ad concessa per piæ mem. Gregorium XIII. Sixtum V.

& Vrbanum VII. etiam prædecessores suos,  
ad sex menses dumtaxat ab ipso die corona-  
tionis incipiendos obseruari voluit.

Declaratio reservationis Ecclesiarum,  
& beneficiorum per prædecesso-  
res reservatorum.

10 Item declarauit omnium, & singularū Ec-  
clesiarum Cathedralium, & Monasteriorum  
prouisiones, quas prædicti prædecessores sui  
ordinationi, & dispositioni eorum, necnō om-  
nia, & singula beneficia ecclesiastica, quæ dicti  
Prædecessores etiam prædictæ dispositioni, cū  
interpositione decreti seruauerāt. Quæ qui-  
dem Ecclesiæ, & Monasteria, necnon sic refer-  
uata beneficia tempore obitus eorundē Præ-  
decessorum vacabant, aut Ecclesiæ ipsæ, vel  
Monasteria huiusmodi si commendata, vel eis  
administratores deputati non fuissent, etiam  
tunc vacassent, remansisse & remanere per hu-  
iusmodi reservationem, & decretū affecta, nul-  
lumq. de illis, præter Romanum Pontificem  
ea vice se intrōmittere, vel disponere potuisse,  
siue posse quoquo modo. Decernēs irritum,  
& inane, si secus super illis attemptatū forsā  
erat, tunc, vel impostērū cōtingeret attēptari.

Reua-

Reualidatio literarū Prædecessoris gratiæ, & iustitiæ infra annū concessarū.

11 Item prædictus D.N. omnes, & singulas ab ipsis Urbano VII. & Gregorio XIII. Prædecessoribus suis infra annum, ante diem obitus eorum cōcessas gratiæ, vel iustitię literas temporibus debitis eorum exequutoribus, seu Iudicibus nō presentatas omninō reualidauit, & in statum pristinum, in quo videlicet antè fuerant, vel pro quibus erāt obtentæ, quō ad hoc plenariē restituit, ac decreuit per exequutores, seu Iudices prædictos, vel ab eis subdelegandos ad expeditionem negociorū in eis cōtinentorum procedi posse, & debere iuxta illarum formam.

### Reuocatio vnionum.

12 Item rationabilibus suadētibus causis, ipse D.N. omnes vniones, annexiones, incorporaciones, suppressiones, extinctiones, applicationes, & dismembrationes etiā perpētuas, de quibusuis cathedralibus, necnō aliis ecclesiis, monasterijs, dignitatibus, personatibus, officiis, & beneficiis ecclesiasticis, eorumue domibus, prædiis, & locis per cessum, vel decessum,

aut

aut quamuis aliam dimissionem, vel amissionē,  
qualiacūq. fuerint inuicem, vel alijs ecclesijs,  
monasterijs, & mensis etiam capitularibus, di-  
gnitatibus, personatibus, officiis, beneficiis, ac  
piis, & alijs locis, vniuersitatibus etiā studiōrū  
generalium, & collegiis etiā in fauorem S. R. E.  
Cardinalium, seu ecclesijs, monasterijs, & be-  
neficiis per eos obtentis, quomodolibet Apo-  
stolica, vel alia quauis ( non tamen Concilij  
# Tridentini auctoritate, nec pro fundatione,  
seu dotatione, augmento, vel conseruatione  
collegiorum, & aliorum piorum, & religiosorū  
locorum ad fidei Catholicæ defensionem, &  
propagationem, bonarumq. artium cultum in-  
stitutorum factas, quæ suum non sunt sortitę  
effectum. / Ac quęcunq. concessiones, & man-  
# data super vnionibus, annexionibus, incorpo-  
rationibus, & alijs præmissis taliter faciēdis re-  
uocauit, cassauit, & irritauit, nulliusq. decreuit  
existere firmitatis, nec alicui quascunq. clau-  
# sulas, vel adiectiones, aut decreta, quę Sancti-  
tas sua pro expressis haberi voluit, in quibus-  
uis Apostolicis, etiam quæ Motu proprio, aut  
ex certa scientia, & cōsistorialiter processerāt,  
& emanauerant literis, etiam si in eis decretū  
esset illas ex tunc effectum sortitas esse, aut ius  
quęsitum fore quomodolibet cōtenta aduer-  
sus



sus reuocationem, & irritationem huiusmodi,  
voluit aliquatenus suffragari.

## Reuocatio facultatum quibusuis concessarum.

13 Item reuocauit quascumq. facultates concessas quibusuis Patriarchis, Archiepiscopis, Episcopis, & aliis Prelatis, & personis, necnon Apostolicę Sedis Nunciis; ac fructuū, & prouentuum Camere Apostolicę debitorum collectoribus de dispensando cum quibusuis personis super matrimonio contracto, vel contrahendo in gradu prohibito, ac natalium, & etatis defectibus, & de incompatilibus beneficiis ecclesiasticis insimul retinēdis, necnon de notariis publicis creandis, ac de disponendo quomodolibet de quibusuis beneficiis ecclesiasticis, & alijs a premissis officia ipsorū Nunciorum, & Collectorum directē non concernentes, etiam si in literis de super cōfectis sint clausulę restitutorię, & derogatoriarum derogatorię, & alię efficaciores, quas pro expressis haberi voluit, quoad omnia, in quibus facultates ipsę non sunt sortitę effectū, etiam si Nunciis eisdem dictę Sedis Legatis de latere competēs sit cōcessa potestas. Decernēs irritū &c.

Reuo-



## Reuocatio facultatum conferendi beneficiorum reſeruata.

14 Item reuocauit quauisq. facultates, & literas deſuper confectas, per quas quicumque ſui Prædeceſſores Romani Pontifices quibuſuis perſonis ordinariam collationem, ſeu aliam diſpoſitionem beneficiorum eccleſiaſticorum de iure, vel conſuetudine habetibus, & quauis etiã Patriarchali, Archiepiſcopali, Epiſcopali, vel alia dignitate, vel alio, non tamen Cardinalatus honore fungentibus, quauis conſideratione, vel intuitu etiã Motu proprio, & ex certa ſcientia, ac de Apoſtolice potestatis plenitudine conceſſerant, aut quamdiu viuerent, vel ſuis eccleſiis, ſeu monaſterijs præſent, aut ad aliud tempus de beneficiis eccleſiaſticis generaliter reſeruatis, ſeu affectis ad eorum collationem, prouiſionem, præſentationem, electionem, & quamuis aliam diſpoſitionem cõmuniter, vel diuiſim ſpectatibus diſponere, liberè, & licitè valerent, aut etiã ad id per eorũdem Prædeceſſores Vicarij perpetui, vel ad tempus conſtituti forent.

### De dictionibus numeralibus.

15 Item vt in Apoſtolicis literis committendi crimen

crimē falsi p̄ amplius tollatur occasio, voluit,  
statuit, & ordinavit, q̄ dictiones numerales,  
quę in dictis literis, ante Nonas, Idus & Calen.  
immediatē poni consueuerunt per litteras, &  
syllabas extēse describātur, & illę ex prędictis  
literis, in quib⁹ huiusmodi dictiones aliter scri  
ptę fuerint, ad Bullariam nullatenus mittātur.

### De concurrentibus in Dat.

16 Item voluit, quod de concurrētibus in da  
ta eiusdē diei super vacantibus, seu certo mo  
do vacaturis beneficiis illis, quibus gratię Mo  
tuproprio conceduntur, cęteris simili modo  
gratias non habentibus, aliās graduati nō gra  
duatis, aut inter graduatos magis graduati, ac  
inter ęqualiter graduatos, prius graduati, nec  
nō colorato titulo possēsores, non possēso  
ribus, ac inter personas aliās in curia pręsentes  
absentibus ab ea, ac inter pręsentes non be  
nēficiati benēficiatis, & similiter inter absen  
tes cęteris paribus oriundus, non oriundo, &  
dicecesanus non dicecesano. In reliquis verō  
singuli, qui prius Apostolicas desuper literas  
eorum exequutoribus pręsentauerint, aliis in  
ipsorum, de quibus agi contigerit beneficio  
rum assecutione pręferantur.

De

## De non tollendo ius quæsitum.

17 Item ne per varias, quæ pro commissionibus, seu mandatis, & declarationibus habèdis in causis plerumq. fiunt, suggestiones, iustitia postponatur idem D. N. decreuit, & declarauit suæ intentionis fore, quod deinceps per quamcumque signaturam, seu concessionem, aut gratiam, vel literas Apostolicas pro commissionibus, seu mandatis, aut declarationibus huiusmodi, etiam si Motuproprio, & ex certa sciëntia, ac etiam ante moram litem à Sanctitate sua emanauerint, vel de eius mandato faciendas nulli ius sibi quæsitum quomodolibet tollatur.

## Regula de viginti.

18 Item voluit, quòd si quis in infirmitate constitutus resignauerit aliquod beneficium, siue simpliciter, siue ex causa permutationis, vel aliàs dimiserit, aut illius commendæ cesserit, seu ipsius beneficii vnionis dissolutioni consenserit etiam vigore supplicationis, dum esset sanus signatæ, & postea infra viginti dies à die per ipsum resignantem præstandi cõsensu computandos de ipsa infirmitate decesserit, & ipsum beneficium quauis auctoritate cõferatur.

*Hac reg. de uiginti et in regulis quæ legij uir per  
sunt. Plauti. l. 1. lib. 2. tit. 2. In plauti sumq. Curij Sallos*

per resignationem sic factam, collatio huiusmodi sit nulla, ipsumq. beneficium nihilominus per obitum censeatur vacare.

### De idiomate.

19 Item voluit, quod si contingat ipsum alicui personæ de parochiali Ecclesia, vel quouis alio beneficio exercitium curæ animarum parochianorum quomodolibet habente providere, nisi ipsa persona intelligat, & intelligibiliter loqui sciat idioma loci, ubi Ecclesia, vel beneficium huiusmodi consistit provisio, seu mandatū, & gratia desuper, quoad parochialem Ecclesiam, vel beneficium huiusmodi nullius sint roboris, vel momenti.

### De non impetrando beneficium per obitum viventium.

20 Item si quis supplicauerit sibi de beneficio quocumque, tamquam per obitum alicuius, licet tunc viventis, vacante provideri, & postea per obitum eius vacet provisio, & quævis dispositio dicto supplicanti per obitum huiusmodi denuo faciendæ nullius sint roboris, vel momenti.

## De vnionibus, & vnionū cōfirmatione.

21 Item voluit, quod petētes beneficia ecclesiastica aliis vniri teneantur exprimere verum annum valorem secundum communem estimationem, tam beneficij vniendi, quàm illius, cui vniri petitur: alioquin vnio non valeat, & semper in vnionibus commissio fiat ad partes vocatis, quorum interest, & idem voluit obseruari in quibusuis suppressionibus, perpetuis concessionibus, dismembrationibus, & applicationibus etiam de quibuscumque fructibus, & bonis ecclesiasticis, ac etiam in cōfirmationibus vnionum, singularumq. dispositionum huiusmodi.

## De mendicantibus transferendis.

22 Item de mendicantibus transferendis, qui ad alios ordines transierint pro tempore, voluit cōstitutionē fel. rec. Martini Papæ Quinti prædecessoris sui desuper factam, & in libro Cancellarię Apostolicę descriptam, quæ incipit, Viam ambitiosę cupiditatis, &c. firmiter obseruari.

## De male promotis.

23 Item de Clericis extra tempora à iure statuta, siue ante ætatem legitimam, aut absq; dimissoriis literis ad sacros ordines se promoueri facien. pro tempore etiam voluit constitutionem pię mem. Pij Secundi similiter predecessoris sui desuper editam, & in dicto Cancellarię Apostolicę libro descriptam, quę incipit, Cum ex sacrorum ordinum, &c. pari modo obseruari.

## De moneta.

24 Item declarauit idem D.N. quòd libra Turonen. paruorum, & florenus auri de Camera pro æquali valore in concernentibus litteras, & Cameram Apostolicam computari, & extimari debeant.

De beneficiis vacaturis per promotionem ad Ecclesias, & Monasteria.

25 Item predictus D. N. Papa voluit, decreuit, & ordinauit, quòd quęcumque concessiones, gratiæ, & mandata etiam Motu proprio, & cum derogatione huius constitutionis, quę



ab eo pro quibusuis personis emanauerint de  
prouidendo eis de quibusuis beneficiis vaca-  
turis per promotionem quorumcumq; ad ec-  
clesiarum, & monasteriorum regimina, si hu-  
iusmodi concessionibus, & mandata diem pro-  
motionis promouendorum ipsorum precesse-  
rint. Necnon quæcumque collationes, prouis-  
siones, & dispositiones pro tempore faciendæ  
de premissis, ac quibusuis alijs beneficiis eccle-  
siasticis secularibus, & regularibus, quæ per  
promouendos, vel assumendos ad quascumq;  
Prælaturas inter illarum vacationis, & huius-  
modi promotionis, vel assumptionis tempora  
simpliciter, vel ex causa permutationis vbi-  
cumq; resignari, vel aliàs dimitti cōtigerit cū  
inde secutis pro tempore sint cassæ, & irritæ;  
nulliusq. roboris vel momenti.

De nō iudicando iuxta formā supplica-  
tionum sed literarum expeditarum.

26 Item cum ante confectionem literarū gra-  
tia Apostolica sit informis, voluit, statuit, & or-  
dinauit idem D. N. quod Iudices in Romana  
Curia, & extra eam pro tempore existentes,  
etiam si sint S. R. E. Cardinales causarum Præ-  
latij Apostolici Auditores, vel quicumq; alij  
non



non iuxta supplicationum signatarum super  
quibuscumque impetrationibus (nisi in dicta Curia  
dumtaxat sint commissiones iustitiam concer-  
nentes, per placet, vel per S. R. E. Vicecancel-  
larium, iuxta facultatem super hoc sibi conces-  
sam signatæ) sed iuxta literarum super eisdem  
impetrationibus, & concessionibus confecta-  
rum tenores, & formas iudicare debeant. De-  
cernentes irritum, &c. & si literę ipsę per præ-  
occupationem, vel alias minus bene expedite  
reperiantur, ad illorū, quorum interest, instan-  
tiam ad Apostolicam Cancellariam remitti po-  
terūt per eius officiales, quibus huiusmodi te-  
nores, & formas restringere conuenit ad for-  
mas debitas reducendę.

### De regulis Cancellarię producendis.

27 Item attendens D. N. Papa, quod super ha-  
bendis de Cancellaria Apostolica regulis, &  
constitutionibus inibi descriptis faciliter per  
eos, qui in Romana Curia indiguerint ad ip-  
sam Cancellariam recursus dirigi potest, nec  
consultum foret, quod super earūdem regu-  
larum, & cōstitutionum, quę iuxta varietatem  
occurrentium causarum, & negociorū aliquo-  
ties immutari conuenit probando tenore, vel

effectu, testium plerūq. tenacem desuper me-  
moriam non habentium depositionibus stari  
deberet, voluit, statuit, & ordinauit quod deinceps  
quilibet ex Auditoribus causarum Pala-  
tij Apostolici, & alij etiam si S. R. E. sint Car-  
dinales, in ipsa Curia pro tempore deputatis,  
auctoritate Apostolica Iudicibus, etiā in cau-  
sis, actu pendentibus super huiusmodi tenore,  
vel effectu probando dumtaxat stet, fidemq.  
adhibeat cedula, seu scripturæ desuper à duo-  
bus de maiori parco, quod danda sit à tergo si-  
gnatæ, & etiam à duobus aliis literarum Apo-  
stolicarum Abbreuiatoribus in ipsa Cancellaria  
auscultatæ, & D. Vicecancellarij, seu dictā  
Cancellariam Regentis manu subscriptæ, vt  
moris est. Quicquid autem secus fieri contige-  
rit, nullius sit roboris, vel momenti.

De subrogandis collitigantibus.  
28. Item D. N. cupiens litium succidere anfra-  
ctus, & ne noui collitigantibus aduersarij den-  
tur, prouidere: voluit, statuit, & ordinauit,  
quod quoties deinceps aliquem super quouis  
ecclesiastico beneficio collitigantem in iure  
vel ad ius, si quod forsan eius aduersario in dic-  
to beneficio competierit surrogari concessit.

rit (dummodo prædictus collitigans in dicto  
beneficio intrusus non fuerit, nec super eo con-  
tra dictum aduersarium, postquam illud per  
trienniu pacificè possederit, lis tunc mota fue-  
rit) aliorum quorumlibet de præmissis iure, si-  
ue tunc vacet, vel cum vacauerit impetratio-  
nes, vel concessiones etiam Motu proprio in-  
fra mensem ante concessionem huiusmodi fa-  
ctæ, nullius sint roboris, vel momenti. Et nihi-  
lominus cupiēs eorum fraudibus obuiare, qui  
viventium beneficia illorum præsertim, qui-  
bus, aut propter senium, aut propter infirmita-  
tem immineret vitæ periculum, impetrant, vt  
illis decedentibus, tamquam collitigantes in  
eorum iuribus facilius subrogentur, voluit, vt  
deinceps nullus in iure, vel ad ius in beneficio  
defuncti, quod illo viuentē in casibus præmis-  
sis, vel similibus impetrauerit aliquo modo  
subrogetur, ac subrogatio, vel gratia. Si neu-  
tri, si nulli, seu nouę prouisionis, aut perinde  
valere, taliter impetranti nullatenus suffrage-  
tur: quod etiam strictissimè obseruari manda-  
uit in impetrationibus beneficiorum per pri-  
uationem, & amotionem ex quibusvis crimi-  
nibus, & excessibus forsan perpetratis, etiam  
si vsque ad diffinitiuā sententiam, quæ tamen  
in rem nō trāsuerit indicatā processum foret.

De ve-

## De verisimili notitia.

29 Item voluit, & ordinavit, quòd omnes gratiarum, quas de quibusvis beneficiis ecclesiasticis cum cura, vel sine cura secularibus, vel regularibus per obitum quarumcumque personarum vacantibus, in antea fecerit, nullius roboris, vel momenti sint, nisi post obitum, & ante datam gratiarum huiusmodi tantum tempus effluxerit, quòd interim vacationes ipsarum de locis, in quibus personarum predictarum decesserint, ad notitiam eiusdem D. N. verisimiliter potuerint peruenisse.

Non valeant commissiones causarum, nisi literis expeditis.

30 Item quòd omnes, & singulæ commissiones causarum, quas in antea fieri cõtigerit obtentæ, vel occasione concessionum dumtaxat Apostolicarum de beneficiis ecclesiasticis gratiarum, super quibus literæ Apostolicæ confectæ non fuerint, ac processus desuper habendi nullius sint roboris, vel momenti.

De impetrantibus beneficia per obitum  
familiarium Cardinalium

31 Item voluit, quod impetrans beneficium  
vacans per obitum familiaris alicuius Cardi-  
nalis teneatur exprimere nomen, & titulum  
ipsius Cardinalis, & si ille in Curia fuerit, eius  
ad id accedat assensus, alias desuper gratia sit  
nulla, & idem seruari voluit, si dicti familiares  
eorundem Cardinalium familiares esse desierint,  
seu ad aliorum Cardinalium familiaritatem simi-  
lem transferint, quoad beneficia, quæ familiari-  
tate Priori durante obtinuerint, & in quibus  
vel ad quæ priori ipsa familiaritate durante,  
ius eis competierit, ita quod quoad illa, Cardi-  
nales, quorum prius familiares fuerint, iuxta  
habeant adhibere consensum. Declarans pre-  
sentem constitutionem locum non habere in  
illis beneficiis, quæ familiares ipsi tempore obi-  
tus eorum in dicta Curia, vel extra eam, obti-  
nerent, aut antea obtinuissent, & ratione offi-  
ciorum per eos obtentorum dictæ dispositio-  
ni generaliter reservata, vel affecta fuisse appa-  
rerent. Nec non illos quoad effectum dictæ  
constitutionis familiares eorundem Cardina-  
lium censerem, qui ipsorum Cardinalium fami-  
liares continui comensales ad minus per qua-





mana Curia præsens fuerit, ad quem eorūdem  
collatio, vel dispositio, vt præfertur, pertine-  
re deberet.

Signatura, per fiat, præferatur alteri  
per concessum

33 Item voluit idem D.N. quòd concurrenti-  
bus eadem die super quocumque beneficio  
per fiat, & concessum signaturis ex eis, per fiat,  
etiam vt petitur, habens alteri per concessum,  
etiam Motuproprio habenti præferatur, etiam  
si in illa per concessum prægnantiores, & quan-  
tumlibet priuilegiatiuę essent clausulæ.

De annali possessore.

34 Itē sanctissimus D. N. vt improbi lites ex-  
quirentium motus reprimatur, voluit, statuit,  
& ordinauit, quòd quicumque beneficium ec-  
clesiasticum tunc per annum immediatē præ-  
cedentem pacifice possessum, & quòd certo  
modo vacare prætenditur deinceps impetra-  
uerit, nomen, gradum, & nobilitatem posses-  
oris eiusdem, & quotannis illud ipse possederit,  
ac specificam, & determinatam, ex qua clare  
poterit constare, quòd nullum ipsi possessori  
in di-



in dicto beneficio ius competat, causam in huiusmodi impetratione exprimere, & infra sex menses ipsum possessorem ad iudicium euocari facere, causamq. ex tunc desuper infra annum vsque ad sententiam diffinitiuam inclusivè prosequi debeat, & teneatur. Alioquin impetratio prædicta, & quæcumque inde sequuta nullius existant firmitatis, & idem impetrans de damnis, & interesse possessorem præfatum, propterea contingentibus ei satisfacere, & si possessorem ipsum iniuste, friuolè, & indebitè molestasse repertus extiterit quinquaginta florenos auri persolvere Camera Apostolicæ sit adstrictus, nec alius, quam præmissæ vacationis modus etiam per literas, si neutri, aut surrogationis, aut aliàs sibi, quoad hoc, vt beneficium huiusmodi ea vice consequi, aut obtinere valeat quomodolibet suffragetur, illudq. nullatenus inantea litigiosum propterea censeatur: quòd etiam extendi voluit ad impetrantes beneficia ecclesiastica cuiuscumq. qualitatìs per priuationem, & amotionem, vel aliàs propter commissæ excessus, & crimina vacantia, vel vacatura, & similiter ad impetrantes beneficia tamquam vacantia per deuolutionem.

## De triennali.

35 Item statuit, & ordinauit idem D. N. quòd si quis quæcūque beneficia ecclesiastica qualiacumque sint absque simoniaco ingressu, ex quouis titulo, Apostolica, vel ordinaria collatione, aut electione, & electionis huiusmodi confirmatione, seu præsentatione, & institutione illorum, ad quos beneficiorum huiusmodi collatio, prouisio, electio, & præsentatio, seu quæuis alia dispositio pertinet per triennium pacificè possederit (dūmodo in beneficiis huiusmodi, si dispositioni Apostolicæ ex reservatione generali in corpore iuris clausa reservata fuerint, se non intruserit) super eisdem beneficiis taliter possessis molestari nequeat, nec non impetrationes quaslibet de beneficiis ipsis sic possessis factas, irritas, & inanes censi debere decreuit, antiquas lites super illis motas penitus extinguendo.

## De non appellando ante diffinitiuam sententiam.

36 Item idem D. N. vt finis litibus celerius imponatur, & litigantium parcatur sumptibus, & expensis suorum prædecessorum constitutioni-

tionibus, & statutis inherendo, statuit, & ordi-  
navit, quod in causis pendentibus, & quas in  
posterum contigerit agitari nulli ante diffini-  
tivam sententiam liceat appellare, nec appel-  
latio, si fuerit emissa, debeat admitti, nisi ab in-  
terloquutoria quæ vim habeat diffinitivæ, vel  
à gravamine minimè concernente negotium  
principale, quod non possit per appellationem  
à diffinitiva sententia reparari, nullæq. causæ  
appellationum committantur, nisi in commis-  
sione exprimatur, quod interloquutoria vim  
diffinitivæ habeat, vel gravamen sit tale quod  
in appellatione à diffinitiva non valeat repa-  
rari. Alioquin appellationes, & commissiones  
in posterum, & quicquid inde sequutum fue-  
rit, nullius roboris, vel momenti commissioni-  
bus appellationum iam iudicibus præsentatis,  
& exhibitis in suo robore permansuris, in qui-  
bus latis super eisdem sententijs, secundo vel  
ulterius ab eis non liceat appellare. Appellan-  
tes verò, & appellationes etiam ab interloquu-  
torijs, & gravaminibus huiusmodi suo, vel al-  
terius nomine prosequentes si succubuerint  
ultra expensas, & damna, ad quæ resarcienda  
de iure condemnatus compellitur viginti flo-  
renorum auri poena mulctetur.

Non

**Non stetur commissioni post  
conclusionem.**

37 Item statuit, & ordinauit, quòd in commissi-  
onibus de iustitia, seu mandatis etiam consi-  
storialibus per eum seu de eius mādato, vel au-  
toritate in causis, in quibus cōclusum existat  
in posterum concedendis, etiam si in eis de cō-  
clusionē huiusmodi implicite, vel explicitē  
mentio facta fuerit, nihil censeatur esse con-  
cessum, nisi per concessionē commissionis hu-  
iusmodi derogetur expresse.

**De literis Religiosorum expediendis.**

38 Item voluit, & ordinauit, quòd si aliqui  
Religiosi petunt aliquod beneficium ad nu-  
tum amouibile cum clausula, quòd exinde pro  
solo nutu Abbatis, vel Superioris amoueri nō  
possint, litteræ quoad ipsam clausulam nulla-  
tenus expediantur, nisi idem D. N. ponat in  
signatura, quòd non possit amoueri, vel ad par-  
tem clausulam ipsam concedat.

**De clausula ponenda in literis permu-  
tationum beneficiorum.**

39 Item si committatur alicui beneficii resi-  
gnatio.

gnationis receptio, ponatur clausula, *Attentè quoque prouideas, &c.* & si ex causa permutationis resignationes fiant, ponatur clausula. *Quòd neuter permutantium ius acquirat, nisi quilibet ipsorum ius habuerit in beneficio per ipsum resignato.*

### *De supplendis defectibus.*

40 *Voluit, quòd si petatur suppleri defectus in genere, nullatenus litteræ desuper concedantur, nisi in petitione desuper huiusmodi defectus exprimantur, vel per fiat vt petitur supplicatio signata fuerit.*

### *De derogatione Iurispatronatus.*

41 *Item voluit, quòd super quouis beneficio ecclesiastico de iure patronatus laicorum non expediantur litteræ, nisi ponatur expresse, quòd tale beneficium tanto tempore vacauit, quod eius collatio ad sedem Apostolicam legitimè est deuoluta, vel quia tempus patronis laicis ad presentandum à iure præfixum lapsum existat, aut ad id patronorum ipsorū accedat assensus, & si per ipsum iuri patronatus huiusmodi derogari contigerit, iurispatronatus huiusmo-*

iussimodi mentio dispositiue, ac specificè, & determinatè, non autem conditionaliter fiat; et si illud ad aliquem Regem, Ducem, Marchionem, vel alium Principem pertineat, & de hoc in litteris prouisionis vel mandati de prouidendo de dicto beneficio similis mentio facta non fuerit, non censeatur quomodolibet derogatum.

### De Commendis.

42 Item voluit, quòd nulli seculari de regulari, nec Religioso de seculari beneficiis commenda detur, nisi in signatura per clausulam ad partem super petitione commendæ huiusmodi de commenda ipsa mentio fiat.

### De reformationibus.

43 Item voluit, statuit, & ordinauit, quòd super quibuscumque reformationibus signatis super impetrationibus quorumcūque beneficiorum vacantium, vel certo modo vacaturorum, in quibus petitur, quòd litteræ super prima data expediri possint, si ex huiusmodi expeditione sub tali data cuiquam videatur posse fieri præiudiciū, litteræ huius-



modi sub ipsa prima data nullatenus expediā-  
tur, nisi reformationes huiusmodi per fiat, sub  
prima data signatę fuerint.

De consensu in resignationibus,  
& pensionibus.

44 Item voluit, & ordinavit, quod super re-  
signatione cuiuscumque beneficij ecclesiasti-  
ci, seu cessione iuris in eo, quam in manibus  
suis, vel in Cancellaria Apostolica fieri conti-  
gerit, Apostolicę litterę nullatenus expedian-  
tur, nisi resignans vel cedens, si pręsens in Ro-  
mana Curia fuerit, personaliter, alioquin per  
procuratorem suum ad hoc ab eo specialiter  
constitutum expeditioni huiusmodi in eadem  
Cancellaria expressę consenserit, & iuraverit,  
ut moris est, & si ipsum resignantem, seu ce-  
dentem pluries super vno & eodem beneficio  
in fauorem diuersarum personarum successiue  
consentire contigerit, voluit Sanctitas sua,  
quod primus consensus tenere debeat, & alij  
posteriores consensus, ac litterę illorum prę-  
textu, etiam sub priori data expeditę pro tem-  
pore, nullius sint roboris, vel momenti, nec  
litterę reservationis, vel assignationis etiam  
Motuproprio cuiusuis pensionis annuę super  
alicu-

alicuius beneficij fructibus expediri possint ,  
nisi de consensu illius , qui pensionem persol-  
uere tunc habebit .

### De ingressu Religionis.

45 Item non dentur litteræ super beneficiis  
vacaturis per ingressum Religionis , nisi ille  
præcesserit datam desuper petitionis .

Non valeat impetratio facta per modū  
in Cancellaria exprimendum.

46 Item voluit , quòd si petatur aliquod be-  
neficio vacans per modum in Cancellaria  
Apostolica exprimendum , talis impetratio  
non valeat , nec litteræ desuper expediantur .

### De executione facienda .

47 Item voluit , statuit , & ordinavit , quòd  
quotiescumq. per signaturam suam , vel de  
eius mandato factam super exequēdis aliqui-  
bus cum adiectione proprij nominis , vel di-  
gnitatis cuiusvis iudex datur , litteræ desuper  
expediantur cum expressione quòd idem iu-  
dex executionem faciat per seipsum .

## De dispensationibus in gradibus

consanguinitatis.

48 Voluit quòd in litteris dispensationum super aliquo gradu consanguinitatis, vel affinitatis, aut aliàs prohibito ponatur clausula, Si mulier rapta non fuerit; Et si scienter; ponatur clausula addita in quaterno.

### Super defectu natalium.

*vide de iurisdictione huiusmodi factum*  
49 Voluit quòd in dispensationibus super defectu natalium, quòd possint succedere in bonis temporalibus, ponatur clausula, Quòd nò praeiudicetur illis, ad quos successio bonorum ab intestato pertinere debeat.

### Super dispensationibus.

50 Item quòd per quamcunque signaturam in quavis gratia nullatenus dispensatio veniat, nisi dicta gratia totaliter effectum huiusmodi dispensationis concernat, vel aliàs nihil conferat, aut operetur.

Nulli

**Nulli suffragetur dispensatio, nisi  
litteris confectis.**

**51** Item cum cōcessionēs super grātiis dispensationum quarumcūque quibuscūque per ipsum Dominum Nostrum concessarum, vel concedendarum per regulas Cancellariæ Apostolicæ sint prouidē limitatæ, licet aliquando in petitionibus super huiusmodi concessionibus oblatis multa sint petita, ne quis talium concessionum prætextu, id dispensatiuē tenere, aut facere præsumat, ad quod cōcessionēs huiusmodi se non extendant, voluit idem D. N. quod nulla talis dispensatio cuiquam in iudicio, vel extra suffragetur, antequam super ea litteræ Apostolicæ sint confectæ.

**De clausulis ponendis in litteris  
Indulgentiarum.**

**52** Item voluit, quod in litteris Indulgentiarum ponatur, quod si ecclesiæ, vel capellæ, vel aliæ aliqua Indulgentia fuerit per ipsum concessa, de qua inibi specialis mentio facta non sit, huiusmodi litteræ sint nullæ.

## De Indulgentijs concessis ad instar.

53 Item voluit idem D. N. quòd litteræ super Indulgentijs non expediantur ad instar, nisi specificentur.

## De exprimendo valore Beneficiorum in impetrationibus.

54 Item voluit, quòd in gratijs, quas quibusvis personis, de beneficiis vacantibus, seu certo modo vacaturis fieri contigerit, illorum, & aliorum quorumcumque beneficiorum, quæ dictæ personæ tunc obtinuerint, seu de quibus eis fuerit prouisum vel concessum, aut mandatum prouideri, verus annuus valor per marchas a genti, aut sterlingorum, vel libras Turonen. paruorum, seu florenos auri, aut ducatos, vel uncias auri, seu aliam monetam secundum communem estimationem exprimantur, nisi personæ prædictæ beneficia, quæ tunc obtinuerint, aut in quibus vel ad quæ ius eis competit, iuxta ipsarum oblationes, aut alias dimittere teneantur: alioquin gratiæ prædictæ sint nullæ, & idem seruetur in gratijs, quas à Sanctæ rate sua Motu proprio emanare contigerit, quo ad beneficia tamen de quibus per

Sanctitatem suam pro tempore prouidetur;  
seu prouideri mandatur, aut aliàs disponitur;  
ac litteris per quas pro tempore ad Ecclesia-  
rum Patriarchalium, & Cathedralium, ac Mo-  
nasteriorum regimina promotis conceditur,  
vt Monasteria, & alia beneficia ecclesiastica se-  
cularia & regularia per eos obtenta, & in  
quibus, & ad quæ ius eis competit, retine-  
re possint.

**De clausulis in beneficiis vacantibus  
ponendis.**

35 Voluit, & ordinauit, quòd quando proui-  
det, seu mandat prouideri alicui de beneficio  
ecclesiastico vacante: tunc dari poterunt clau-  
sulæ, si petantur, etiam si illud quouis modo,  
&c. seu per constitutionem Execrabilis vacet;  
ac specialiter reseruatum inter aliquos litigio-  
sum sit, & eius collatio deuoluta fuerit, et si  
pro colligatæ, vel surrogationem, aut si neu-  
tri, vel si nulli, &c. petente, si tunc lis specifi-  
cè exprimatur. Nec detur aliqua generalis re-  
seruatio dispositiuè, nisi desuper in concessio-  
ne specialis, & expressa, ac purè, & non sub  
conditione mentio fiat, & tunc reliquæ reser-  
uationes, ibi contentę veniant. Si verò tem-  
pore



pore expeditionis inde litterarum generalis-  
reservatio huiusmodi probari non possit; aut  
in nouis prouisionibus, seu pro colligantibus,  
si neutri, vel si nulli, &c. sit expressum quod ab  
aliquibus asseritur, illum cuius beneficiū con-  
ceditur collectorem, vel vnicum subcollecto-  
rem, abbreviatorem, vel familiarem notariū,  
aut dictæ Sedis officialem fuisse, clausula po-  
natur, etiam si dictum beneficium ex eo quod  
talis collector, vel vnicus subcollector, abbrevi-  
ator, vel familiaris notarius, aut dictæ Sedis  
officialis fuit, dispositioni Apostolicæ genera-  
liter reservatum existat, dummodo non sit in  
eo alicui specialiter ius quaesitum: in reliquis  
verò nulla clausula detur, unde reservatio ge-  
neralis elici possit, nisi de super signatura per  
duplex fiat, signata sit, aut reservatio, vel aliàs  
specialiter habeatur.

### De expressione qualitatū Beneficio-

rum in impetrationibus.

56 Item voluit, quod super beneficiis eccle-  
siasticis, de qualitatibus illorum, videlicet, an  
dignitates, personatus, vel officia sint, eisq. cu-  
ra immineat animarum, & ad illa cōsueuerint,  
qui per electionem assumi, mentio fiat, aliàs

gratiæ

gratiæ desuper factæ sint nullæ, et si qualitates huiusmodi affirmatiuè, vel conditionaliter non exprimantur, negatiua expressè desuper fiat in beneficiis, quæ tales qualitates, vel ex eis aliquas conlueuerint habere.

### De beneficiis vacantibus per contractum matrimonij.

57 Item si reseruetur beneficium per contractum matrimonij, non dentur alij modi vacationum de futuro, nec censeatur beneficium reseruatum specialiter vel affectum, nisi sequatur matrimonium: sed in beneficiis per promotionem, aut ingressum Religionis, vel affectationem vacaturis ponatur clausula etiam si non petatur. Cum beneficia huiusmodi premissis, vel alijs quouis modo, &c. præterquam per obitum obtinentis vacare contigerit, etiam si vacent.

### De clausulis ponendis in litteris Religiosorum.

58 Item voluit, quod si petatur aliquem in Religiosum recipi, & sibi de quouis beneficio ecclesiastico prouideri per simplicem signatu-

ram fiat receptio huiusmodi, dumtaxat detur:  
adiecto, si petens idoneus sit, aut aliud cano-  
nicum non obstat, & exprimatur, si certus  
numerus Regularium sit ibidem, cui etiam nō  
derogetur, nisi expressè concedatur, & si nu-  
merus iste non existat, ponatur; Dummodo  
receptionis locus huiusmodi nimium propte-  
rea non grauetur, possintq. executores pro-  
uision. huiusmodi ad receptionem emissionis,  
professionis, non expectato probationis anno  
procedere.

### De translatione Religiosorum.

59 Item si regularis petat sibi de beneficio ab  
aliquo monasterio, vel alio regulari loco de-  
pendente prouideri, & apparet ex petitione  
huiusmodi, quod alterius monasterij, vel lo-  
ci religiosus sit, licet ibi translatio non petat-  
ur, nihilominus illa veniat.

### De clausula, si est ita.

60 Item quòd in literis super beneficiis per  
constitutionē Execrabilis vacantibus ponatur  
clausula, si est ita, similiter de quibuscumque  
narratis informationem facti requirentibus.

Petenti

Petenti prouideri de vacaturo dentur  
litteræ de vacanti.

61 Item petenti sibi prouideri de vacaturo,  
dentur litteræ de vacanti, prout expedierit  
impetranti.

Reuocatio decimarum, & aliarum  
impositionum.

62 Item reuocauit quascumque decimarum,  
subsidiarum vigesimæ, & aliorum onerum im-  
positiones, quæ a prædictis Sixto Quinto, Vr-  
bano Septimo, & Gregorio Decimoquarto  
prædecessoribus suis ex quauis causa, etiam in  
subsidium expeditionis contra Turchas, & or-  
thodoxæ fidei hostes emanarunt, & quascum-  
que facultates super decimarum vigesimæ, &  
onerum huiusmodi exactione quibusuis fru-  
ctuum, & prouentuum Camera Apostolicæ  
debitorum Collectoribus, & Apostolicæ Se-  
dis Nuncijs ab eisdem prædecessoribus con-  
cessas. Suspendit quoque ad suæ Sanctitatis,  
& Sedis Apostolicæ beneplacitum quascum-  
que plenarias indulgentias, ab eisdem præde-  
cessoribus ex quauis causa etiam expeditionis  
huiusmodi concessas, si quæ per Nuncios, vel

Quæ.

Quæstiones deferebātūr. Necnon deputandi,  
& eligendi confessores, qui plenariè absol-  
uant, & alia faciant ad earumdem Indulgen-  
tiarum suspensarum effectum, Reliquasq. fa-  
cultates ipsas indulgentias quomodolibet cō-  
cernentes, præterquam quoad ea, in quibus  
indulgentiæ, & facultates in aliqua sui parte  
sint sortiti effectum, ita vt illis, qui imple-  
tes iniuncta eis in literis indulgentiarum hu-  
iusmodi iā consequuti sunt facultatē eligendi  
confessores, qui absoluant eos plenariè in mor-  
tis articulo per huiusmodi suspensionem non  
præiudicetur, quin facultate ipsa vti possint  
in futurum, decreuit quoque irritum, & ina-  
ne, quicquid facultatum reuocatarum earum-  
dem prætextu in posterum cōtingerit attentari.

### Reuocatio facultatum percipiendi pretium officiorum.

63 Item reuocauit, cassauit, & annullauit,  
ac irritas declarauit quascūq. facultates per-  
cipiendi pretium officiorum Romanę Curię  
pro tempore vacantium in toto, vel in parte,  
ac quasuis concessiones, & collationes, aliasq.  
dispositiones per fel. rec. Gregorium Papam  
Decimumquartum prædecessorem suum de  
dictis

dictis officijs, etiam ex die collationum, concessionum, & dispositionum earumdem in antea vacaturis in fauorem quarumcumque personarum ecclesiarum, monasteriorum, piorum locorum, collegiorum, seu eorum mensarum etiam perpetuo, etiam in vim contractus, & ex titulo oneroso, & sub alia quauis verborum forma, quam, & præmissorum tenores pro expressis haberi voluit concessas, & factas, quoad officia, quæ post obitum ipsius prædecessoris vacarunt, & in posterum quomodolibet vacabunt.

Quod fructus in tertia parte augeri possint vigore clausulæ.

64 Item cum nonnulli in impetrationibus beneficiorum ecclesiasticorum pro tempore vacantium, & certo modo vacaturorum, asserendo illorum fructus, &c. certum per eos expressum annum valorem non excedere, nonnumquam obtineant à Sanctitate sua, vt huiusmodi valorem annum augere possint, vt verius possit in confectioe literarum super huiusmodi impetrationibus summa, ac valor ipse annuus exprimi aliter desuper non specificato, ne de virtute huiusmodi concessionis



nonis imposterum hæsitari contingat, declaravit prætextu concessionis huiusmodi valorem ipsum usque ad tertiam partem valoris expressi, & in prima, quæ desuper fiet litterarum expeditione, dumtaxat augeri posse, & eas, quas litteris iam expeditis cum expressione valoris specificati, aut non integro augmento prædicto, denuo desuper expediri contigerit, litteras cum aliquo augmento valoris huiusmodi nullius esse roboris, vel momenti, etiamsi Motuproprio beneficiales gratiæ, & dispositiones quæcumque à Sanctitate sua emanarent.

### De inforDESCENTIBUS.

65 Item ne personis, pro quibus litteræ suæ Sanctitatis emanabunt ob generalem absolutionem a censuris ecclesiasticis, quibus ligati forent, ad eorum effectum indifferenter concedi, & in litteris Apostolicis apponi solita præstetur occasio censuras ipsas vilipendendi, & inforDESCENDI in illis, statuit, & ordinavit huiusmodi absolutionem, & clausulam in litteris, quas in futurum cum illa concedi contingeret non suffragari non parentibus rei iudicatæ, incendiariis, violatoribus Ecclesiarum,

falsificatoribus, & falsificari procurantibus  
litteras, & supplicationes Apostolicas, &  
illis ventibus receptatoribus, & fautoribus  
eorum, ac res veritas ad infideles deferenti-  
bus, Violatoribus ecclesiasticæ libertatis via  
facti ausu temerario Apostolicis mandatis  
non obtemperantibus, & nuncios, vel exe-  
cutores Apostolicæ Sedis, & eius Officialium  
eis commissa exequentes impredientibus, qui  
propter præmissa, vel aliquod eorum excom-  
municati à iure, vel ab homine per quatuor  
menses scienter excommunicationis senten-  
tiam huiusmodi sustinuerint, & generaliter  
quibuscumque aliis, qui censuris aliquibus  
etiam aliàs quam ut præfertur quomodoli-  
bet ligati in illis per annum continuum in-  
forduerint.

Officiales nihil exigant ultra  
debitum.

66. Item idem Dominus Noster exactioni-  
bus, quas Sanctitas sua, non sine displicen-  
tia plerumque fieri intellexit per officiales  
Romanæ Curie, qui constitutis sibi emolu-  
mentis pro exercitio officiorum, quæ obti-  
nent non contenti, ultra à prosequentibus ne-

gociorum quorundam expeditionem in eadem exigere non verentur, obuiare volens, districtè præcipiendo inhibuit omnibus, & singulis quæuis officia in eadem Curia obtinentibus, ne de cætero quicquam prætextu officiorum, quæ obtinent, quouis colore, etiam celerioris expeditionis, vltra emolumenta huiusmodi exigere, seu ad hunc effectum expeditionem eorum, quæ eis incumbunt, malitiosè differre, sub excommunicationis, & præter illam suspensionis à perceptione emolumentorum huiusmodi pro prima ad semestre, & pro secunda ad annum, & pro tertia vicibus, quibus sic excederent priuationis officiorum, per eos obtentorum, in quibus sic exceßerint pœnis. Ac voluit quòd Sanctæ Romanæ Ecclesiæ Vicecancellarius, & Camerarius excedentes ipsos respectiuè, prout eis subsunt, per subtractionem emolumentorum eorūdem, ac aliàs, vt præmittitur compellant ab huiusmodi illicitis exactionibus abstinere, & contra eos per prædictas pœnas, & aliàs, prout melius expedire viderint, procedant.

Quòd

Quòd Cardinales non comprehen-  
dantur sub Regulis faciendis.

*Canon 22. 28. Inf. apud.*

67 Item cum Sanctæ Romanæ Ecclesiæ  
Cardinales ipsi Sanctiss. Domino Nostro assi-  
stant, ac propterea debeant specialius præro-  
gatiuis, & priuilegijs gaudere, idem Domi-  
nus Noster statuit, ordinauit, & decreuit,  
quòd in quibuscumq; Constitutionibus, &  
Regulis per Sanctitatem suam imposterum  
post hanc primam editionem, & suarum Con-  
stitutionum, & regularum publicationem fa-  
ciendis, non includantur ipsi Cardinales, nisi  
illæ eorūdem Cardinalium fauorem concer-  
nant, vel ipsæ Constitutiones edendæ de eo-  
rūdem Cardinalium, vel maioris partis eo-  
rum consilio editæ fuerint.

De potestate Reuerendissimi Domini  
Vicecancellarij, & Cancellaria-  
riam Regentis.

68 Primo, quòd possit committere absolu-  
tionem illorum, qui ignoranter in supplica-  
tionibus, vel in litteris Apostolicis aliquid  
scriberent, corrigerent, vel delerent.

Item, quòd possit corrigere nomina, & co-

gnomina personarum, non tamen eorum, quibus gratiæ & concessiones fiunt, ac beneficiorum; dum tamen de corpore constet.

Item, quòd possit omnes causas beneficiales, etiam non deuolutas, committere in Curia, cum potestate citandi ad partes.

Item, quòd processus Apostolica auctoritate decretos aggrauare possit, cum inuocatione brachij secularis, & sententias executioni demandari facere contra intrusos, & intrudendos per litteras Apostolicas desuper conficiendas, & non aliàs.

Item, quòd possit signare supplicationes manibus duorum Referendariorum signatas de beneficijs Ecclesiasticis, secularibus, & regularibus dispositioni Apostolicæ generaliter non reseruatis, quorum cuiuslibet valor centum florenorum auri de Camera vel totidem libras Turonen. paruorum seu totidem in alia moneta secundum communem estimationem valorem annum non excedat.

Item, quòd possit signare supplicationes, etiam duorum Referendariorum manibus signatas de nouis prouisionibus si neutri, & subrogationibus pro collitigantibus, in quibus non detur clausula generalem reservationem importans.

Item